

中國方志叢書·華南地方·第二八四號

據

民國·周恭壽修，趙塏纂
民國二十五年刊本

影印

貴州省

續遵義府志

(三)

成文出版社有限公司印行

續遵義府志卷之六

關梁

關以禦侮橋以通行固自來之要政也故山盤水屋
之國往往駢聯巒島中延罅隙以通人行故凡泥可
封閉全境當川限谷輒阻輿絕潦每坑塹一方殆深
信險之足恃葦之可杭焉咸同之際烽警久弛釋耒
四興此焉搯其咽喉而彼已斷其手足呼嘯長驅不
必縋懸鑿險已蹈若通途良可慨已流亡既歸招徠
不禁安家慶吊東西跂望赴履不足方刀匪宜於是
三五輒醵謀橫權或鞭石興功雖僻境偏村而橋乃

皆如密網是可稽繁盛焉老子謂至治之極隣國相望至老死不相往來前人已謂輓近世塗民耳目則幾無行有矣乎五邑關隘多仍舊惟津梁有加得照補錄焉

遵義縣

關隘

婁山關

在城北百里

前志

黎庶昌入都紀程婁山關

即漢志之不狼山山極高大羣峰崩劣連延不斷橫亘數十百里皆婁山也實不能指屬何峯自黑神廟上至關門非甚陡峻惟立關門下瞰則深壑中線路

如蛇陰森可畏楊應龍倚為郡北第一險要不虛也
明季大亂兵馬交馳擁麾出入關遂以不守迨天下
太平釋險毀關而已咸豐甲寅桐梓楊隆喜作亂陷
縣城奪關至郡據雷臺山及敗奔幾擾全黔即失此
險故也今則道路大開自桐梓入郡者由山右之柵
木廠可至遵義之白石口由山左之小筍亦可至牛
網屯出板橋縱橫歧旁介然通達是又今昔之殊也
附鄭徵君二月十七度婁山關一首時在庚申山勢西
來萬馬奔大樓一勒九旗屯天隨路入藤蘿峽人
共雲爭虎豹門舊日劉兵此飛過六年黔國任傾

翻黃心無復將軍樹空逐流移石根

關有黃心樹一株十

年物也道光癸卯五月作黔詩紀畧

又莫徵君婁山關一首大婁高

壓萬峯顛鳥道本容一線穿豈料養癰成內潰翻

令天險等虛傳翦除勁旅勞三省通塞殘籌等五

年始信大刀功第一當時幹腹競爭先 楊文熙

婁山關一首天險分黔蜀曾經築將壇殺機成敗定

武備古今難劫火倉皇起丸泥破碎看亂山愁立

馬陰雨夕漫漫

黔南六家詩選

趙旭婁山關一首白石口

敗王繼光綦江城死張與房蜀人畏播如畏虎關

開關閉誰能當內以四緘求稟擬外齎金帶役崔

李計深爭界索仇民怨極招魂迎孝子石筍磷砢
殺氣昏木蓮花紫射朝暎聖高隊隊妖姬舞隘險
層層硬手屯制軍移節臨重慶入關有約嚴申令
左右奇兵間道來積尸高與關門併霸業沉銷八
百年後人經此吊蠻烟十三排柵如何處只有羣

峯高挿天

揚川詩鈔

雞喉關

在城北三十里

前志五
十里

為通蜀大道關雖

非雄阻然以婁山為門戶此固咽喉也以鄭徵君詩
言之亦未輕忽矣

附趙旭雞喉關一首晨上雞喉關風雨積飛瀑勁

風排老樹寒鴉噪不叫復燈雖迹高地狹成險要
關外甕子口天如劍入鞘奇兵扼其吭萬馬不敢
到天地生險阻王公以禦暴善守與善取因時各
著效際茲承平世久息烽火耀微聞蜀金堂嘯聚
動邊徼九盤實門戶樓山更峻峭曲突貴先機遠
慮豈輕躁書生我何知徒貽杞人誚播川詩鈔又鄭
徵君十三日官軍敗於板橋賊趨郡城一首此咸豐甲寅八月在子午山作一鼓上婁山可以落賊膽據關者數百
驟進彼何敢副戎亦何怯見賊氣先撼我師朝未
鋪返奔不容纜空餘水酒肉歸賊快一噉雞喉與

排軍盍亦稍為暫如何七十里薄郡日未暗國家
祿爾曹其罪舉當斬日夕望播城風雲方黯黯

老君關 在治南八十里為自郡往省治要隘萬歷
中征播時賊斷浮橋官軍大衄即此前志咸同時賊
起如蝟毛官軍不能守雖險若不足恃也

附邵亭遺詩雄關俯烏江實為播南戶所以八道
師南道不易度未聞九泥封可以防北路去年螺
螭戰一敗敢反顧林公軍門軍宵遁幾折騰何心
更向敵且欲劃江駐關門一以就樓堞足偵戍啟
閉得自操豈不進一步布卯當城門為守亦良固

誰為運斯籌嗤笑尚童孺

拱安關 在治城北門外咸豐 年建

鳳朝關 在治東自築新城遂為城門曰迎暉上祀
關帝兩山環向亦近城要隘也

松子坎關 在治東五里

南門關 一曰木來關在治南五里鄭徵君詩自注
出東門度吳公橋沿湘岸南至丁字口西南行街極
木來關東北行極松子坎皆被焚燬此記楊逆至遵
事也

附鄭徵君聞郡東門外街肆盡燬一首吳橋松坎

木來關肆接肩摩七里間二百餘年成望郡數千
毛賊致空闌天心壹似懲澆詐賊焰何能恣狡頑
已見凶徒連日盡不知元氣幾時還

葉經巢
遺詩

太平關 在城南憑湘岸東踞獅子橋同治中既設
新城胡正綱辦理月城團務因建此關以障外覲衛
守有力亂平獎縣丞光緒中改建節孝總坊大清一
統志中華名勝皆稱太平關在婁山乃古關也

茅石坎關 在治北七十里一曰毛氏倉當咸豐三
年楊逆據雷台山時里人蕭光遠築以禦賊

附莫徵君詩注茅石坎一帶為自遵義走磨盤山

九壩捷道蕭吉堂光遠為團長聯絡數十里扼其
亢已殺賊百餘人十月十一日賊以七道進攻團
衆不能禦吉堂子永京走軍門乞援又不應吉堂
弟儀遠死之吉堂走免其被擒者皆令拜賊旗免
死惟蕭冉徐三姓不拜蕭姓男婦死者五十餘人
三度關二關隘 在縣治東一百一十里有上度中
度下度三關方輿紀要萬歷中征楊應龍湖帥陳璘
自湄潭直抵上度關以扼播州即此左右皆連岫嶺
巖中忽斷缺設關扼要雄阻一方下臨斗坂湄水紆
徐繞越為入遵要道經過此關則坦夷入樂安矣

附黎北勳三度關旅夜一首別酒猶在襟行人屢

回顧離家四十里日夕隔煙霧自慚歸程晚此去

忽多誤月出雲際峯風吹道旁樹腸斷夜猿聲尚

是家山路 又吳國華三渡關題壁一首三關雄

鎮界南天遙望湄陽意黯然庚申十月白號夏屋

萬家成瓦礫賊據湄潭為巢穴逐日四鄉春城十

里絕炊煙避邑居民胥從征士作長蛇守十一月

三關邑紳張師敬帶練奪回關凡塘頭牛避難民

皆化鶴還湄邑居民避入遵為問勒兵諸將領干

戈似此幾時捐

七星坡隘 在縣東樂安里距城一百四十里為火
燒舟入湄潭往綏陽要道屹巖高嶺威勢盤踞橫互
五六十里縱三四十里號匪據湄時設防嶺間上自
燕毛嶺關牛坎下至三渡間連壘數十逮吳元彪據
綏陽亦於此設防以阻我軍

附鄭徵君聞破關牛坎諸賊營一首飛軍插翅入
層山捷報喧騰百里間穩計園林歸有路安排弟
妹喜開顏及今麥豆猶餘望在所流移可急還便
掃禹門通八節直清板角到三關

樂安境北極板
角關南經

灘極上渡中
渡下渡三關

高江渡隘

在城南百里烏江流岸通修文大道

小河口隘

在城南百里通修文

必流水隘

今名革流水在城西一百里

李沙塘隘

在革流水上五里許

丹苗巖隘

石谷背隘 在城西百二十里相距五

里皆烏江經流

大麻水隘

在城西南九十里

大峰巖隘

在城西百里泥溝鋪右

右八隘皆同治五年賊退入黔西遵義與修文知

縣馮澍設兵嚴守處

茶山關 前志曰河渡關在郡治南一百里下臨烏江為自郡出開州要隘明萬歷中謝崇爵拔河渡關旋敗徐成岑紹勳再克河渡關即此明末平播後防奢安之亂設九隘此其一也

附鄭徵君九隘考遵義地西極沙溪南極烏江皆與水東西地接沙溪即漢書地理志出漢陽山關谷東至鼈入延之漢水烏江即水經出犍為南廣縣至鼈縣東屈北流之延江水平播後沿兩岸設九隘置重兵以防奢安沿沙溪者首曰沙崖隘在治西百六十里崖門關為出仁懷永甯道明洪武

十五年城沙溪以官兵一千土兵二千戍之萬歷
四十五年命總鎮張輔周參將高世用一營崖南
一營崖北皆在此蓋至要地也自此順流下四十
里曰鼓樓隘又四十里曰鎮南隘兼即烏江又四十里
曰底水隘又四十里曰中澤隘今名大渡河皆入
黔西道中澤下三十里石牛口水入烏江沿江下
二十里曰烏江隘去治百里下三十里曰板角隘
又三十里即茶山隘也皆入修文開州道又三十
里曰羊巖隘下臨黃灘河河乃湘江仁江樂安江
湄潭江會流至羊巖下二十里入烏江者凡上諸

隘由西而南而東皆憑險設關萬峰攢削中通一
線其置守皆簡有智能者行邊防事銜稱欽命分
防隘渡領兵參將遊擊都司守備至國朝每隘委
駐防一員以便塘遞康熙三十年水西平始裁隘
官每隘委管隊一名兵一名以稽察匪出入此為
郡中一鉅故明史及川黔兩志俱不畧及原委幾
無知者故因及之

附黎庶燾早上茶山關一首野雲隨肩輿折上九
盤嶺霏微撥晨霧咫尺歷參井天陷羣峭中日射
孤烟頂凍雀聚葉鳴寒猿挂枝飲厓摧石砢砢灘